



Сот ветъяң энамты няврэм округева ёхатал

«Большая перемена» сот ветъяң финалист па энамты ёх лидерат округева ёхатлат. Нох питты ураңан округ «Движение первых» «Большая перемена» па «Ямолод» касапсаятан касты мосас. Си тумпийн нёхты хор верты па эссе китты.

Вантты-уладтыты ёхатты няврэмата Пулцават вош альда, Канась Пухалан шоши мир ёх улапса эталтыла па Сабеттая тутдыдайт. «Ямал СПГ» заводан округ кусяев Дмитрий Артюхов няврэмат ещад потар тул.

Симась уйтантапса округеван нядмет пуш верла. 2022-мет талдан «Оценка и развитие управленческих компетенций в российских образовательных организациях» проект хуват «Россия – страна возможностей» Россия Президент платформа па ЯНАО правительство кутан



Хор: ЯНАО губернатор пресс-служба

соглашение ханшман ус. Щит шеңк ям вер. Энамты няврэмат ураңан верыдыты уйтантапсайт онтасан дув ялап духсат уйтлат па дув щёмед-пищел альдат.

Шеңк ям, хун хащам ятан муң ханты няврэмдув кашц пуш турамосот касапсаята па уйтантапсаята пидтащидат. Щи веран дув ялап верата

уладтылат, дув элтаел па ханты мир элты па мир хоятат аршак уйтлат.

Альбина Тырлина ханшам потар

Округ хоятдув нётты китсайт

Там ванан Курганской область куца ху Вадим Шумков дув ёшадан тайты куртат йиңкан амарлаты ураңан режим ЧС ясац верас.

Казахстан муватан, йиңк акатты тахайт элты там товийн яц пуш аршак йиңк эсадса. Шаңкап эслам лэвас йиңкдал Топод ёхан хуват Курганской область муват педа тула.

Ун кер тылац яртъяңмет хатд унты Курганской область кат районан куртат йиңкан амарласайт па талаңа нови тутды хащсат. Уй, Исеть, Миасс па Топод ёханатан йиңкал холна эпатты питтал.

Курган мува, округев элты ветхощъяң хоят нётты китса. Тут хуратты па хоятата нётты рупатайн рупитты ёх вет машина, хопат, нови тут

маты генераторат, потам йиңкан руңкатдыты рещина сохат, сопекат, портунат па дэтот патан вусат. Ноябрьск вош аэромобильной группа элты нёттыта китам мочет там хорпи этам верат пидн холна ант рупитыдысат.

Манам хоятдув нётапса рупатайт етшатэд унты щита рупитты питлат.

Зоя Куртямова
ханшам потар



Хор: ЯНАО губернатор пресс-служба

Кущайт йи пасан суран актыдысайт

Ун кер тылац нийдмет хатадан Ямал губернатор Дмитрий Артюхов кущайт хол ияха актадысды. Потар манас, хоты там хатдтан антитеррористической верат шеңк такан вантман тайты мослат.

Хоятат шука ант питты ураңан мосал ар хоят актащиты хотат па ов харэт иса вантман тайты. Щи тумпийн потарса Ноябрьск па Новый Уренгой вошат тыйм емаң хатлат постаты вер элты.

«Еша ул Ас нопатты тылащан щутцатты питлув па муң мет волаң емаң хатлэв – Ун Ляльн нох питам хатлэв постадэв. Хоятат дыв сайдагы щиран рупитты охрана безопасности атаң-хатд рупитты верэд ул. Мосал щиты верты, дудан там ёхатты щут-

щаты хатлат туңа щира мантсат, нэмомлты атом вер ант ат тыйс, ал хоятат дыв ант сохнас», – Дмитрий Артюхов ястас.

2025-мет талдан Ноябрьск па Новый Уренгой ветъяң талэд постадэл.

«Па пуш щи кат вошан турамосот каш верат манты питлат – мойң хоятат ёхатлат, касапсайт каш хотатан па каман манты питлат. Волаң мойң хоятат па ёхатлат, щиран муңев мосал там хатдтан щи вер ураңан рупитты. Ялап тада питты унты арадал рупата талаңа верты», – щит элты губернатор па потаргас.

Щи веран кашц вошаң па куртаң хоятата ант мосал апащет элты хуритты, па елды ищиты тумтака улты.

Аллина Тоярова
ханшам потар

Мир верат

Хащам шутцаты хатадан Пулңават вошаң мир Шитамкуртан актащисат, Ворңа хатләл порыдысат. Куш вотан хатл ус, ищипа унат-айт, хой кум шитас, хол ёхатсат.

Па талат пидан артадаман, хащам ятан, ай няврэмат па уншакат хол даңхалайт тамаш емаң хатдата яңхидыты па уйтты, муй хорпи шират-пищат лув ханты мирәл хоща удлат. Щит шеңк ям. Кушкепа ясең худләл, ант уйтам верат нумты питдат.

Хоты катра порайн Ворңа хатл постыса, каматса ясаң Мария Александровна Ковалёва ястас: «Ай порайн муң алаңсахат нох курагдәу, валщам акатты. Щалта валщамлув ёхи лоңалдалдув, кур алты ураңан. Куртаң мохет хол ияха порыдытыя актащисат, итамиты сахат, товийн хошам па, камн пасан омпсыдысув. Вуләң хоятат ищи яха кутладан уйтантысат. Хол ох поныдысат, порыдысат, ям номасан лакки маныдысат».

Там пуш емаң хатл верты

Шитамкуртан порыдысув,
Ворңа имев каштыдысув

Хор: Аллина Тоярова

ураңан муй хорпи рупатайт верман усат, щит элты НКАХ «Пулңават» куца нә Светлана Петровна Тайшина каматса ясаң ястас: «Там емаң хатләва хоятат ияха акатты ураңан муң кашң организацияя па ал хоятата

айкед китсув. Па талат пидан артадаман, аршак няврэм ус. Щит шеңк ям. Емаң хатләв яма манас. Аратал мирэма мойлапса ясаң китдам. Тумтак ёш, тумтак кур!»

Валентин Валерьевич Валь-

гамов НКАХ «Пулңават» хоща лоңман ул, лув ясең элты: «Пу-машипа ястадам, хой ёхтыдыс, па хой нётас!»

ЯНАО Законодательной Собрание депутат Василий Петрович Паршаков ох мас улы дутты ураңан. Вячеслав Макарович Лонгортов улы туслы. Станислав Анатольевич Тояров юх тус. Герман Романович Сандрин тракторист уйтас па юш сыстапса. Па мохты щипа, ун хоятлув Шитамкурта автобусан туты верытсалдув.

Студентат Валера Лонгортов, Дима Лонгортов, Гриша Артанзеев па Денис Хунзи ов хар па порыдыты хар яма ләщатсат. Геннадий Павлович Кельчин Алексей Анатольевич Лонгортов пидан йир хорсаңан. Шеңк яма иса ләщатысув па Ворңа хатадн уйтантысув».

Аллина Тоярова
ханшам потар

Па мув
курек хоща
велпаслаты пора
щи ёхатл

Округ хуват па мув курек хоща дыдаң вас пидна велпаслаты ораңна заявка китты пора пунсса.

Щимащ велпаслаты пора Ас нопатты тыдащ 9-мет хатл эвалт ущ тыдащ 9-мет хатл маса олта питл.

«Дыдаң вас пидна велпаслаты ораңна кат нәңхуна топ рахал. Ясаң соппы ки манда йи тал эвалт кат тал маса велпаслаты нәпекат нох вудайт», – Ямал мув региональной Служба би-ресурсов эвалт лавса.

Велпаслаты ях
ощта масл

Ун кер тыдащ хосмет хатл эвалт няхты вой хоща велпаслаты пора лап тохарда. Велпаслаты ях хос хатл сыс отчёт мата маслат мала арат па мала хорпи вай ведсат.

Хой партам хатлат отчёт ант мал, па тал педа велпаслаты нәпекна ант мала.

Вера Климова хансам потарңан

СВО хоща олты нәңхәт элты
письма ханста рахал

Ун кер тыдащ 26-мет хатлна «Диктант Победы» хансты порайна там пус СВО хоща олты нәңхәт элты письмо ханста рахал. Щи акция «Письмо Герою» «Почта России» пидна йи ёр понман верса.

«Щимащ акция верты пушци федеральной проект «Единой России» «Историческая память» координатор Александр Хинштейн патриотической акция ораңна верам селекторна лавас»,

– Ямал мув Заксобрания зам-председатель Наталия Фиголь лув telegram-каналална хансас.

Щи томпына диктант хансты порайна нәңхәт вантта веритлат мала кем Вул Ляль пушци ошлат. Ямал хуват «Диктант Победы» хансты нәңхәт ораңна мет ям харат пирысайт. Ноябрьск васна щит фонд «Защитники Отечества», Надым васна – ляль пора пормасат савиты пормас хатна, Пулңаватна па «Обдорский острогна».

Удостоверение верты щир

Ямал эвалт СВО хоща олты нәңхәт ораңна электронной удостоверение ветерана верта питла. Щита социальной па банковской карта лоңал.

«Ямал мувна щимащ электрон-ной удостоверение верты ораңна масл Новый Уренгой па Тарко-Сале васанна ПАО «Промсвязь-банк» отделение хоща яңхта. Хой ком ант ки тайл банк-

партнёр личный кабинет хуват па официальной сайт хоща заявка китта рахал», – Ямал мув соцзащита эвалт лавса.

«СВОи» нәмпи электронной удостоверение тайман Хон мув Минобороны эвалт маты охат мохты щипа карта хоща ёхатта питлат. Щимащ электронной удостоверение бессрочный па Хон мув хуват попытл.

Вера Лонгортова хансам потарңан

Тал юшат лап
пентлайт

Асов курт элты Ёмвош округ мув кимал унты манты тал юш ун кер тыдащ ветхощяңмет па хольмаң педа олаңмет хатлат кутан лап пентла. Щит элты ЯНАО машинайт па юш верат туты департамент сайтан ханшса.

Ин хатлат кашң хатл кошма йидат. Сойматан йиңк нох хувлад. Лаварт машинайт ләпат лоңц хоща ид тахарлаты веритлат.

Овс муван улты хоятат хурман улты партлайт па лап пентам тал юшат хуват ләваса ант яңхты.

Зоя Куртямова ханшам потар



Хор: Вера Лонгортова

Айкедат

Ай няврэмие Ворца емаң хатл па постысат

Хасям сютсаты хатдтан округев хуват Ворца емаң хатл постыса. Ханты хоятлув кашң куртан, вошан уйтантысат. Садикатан рупитты ханты хоятлув ай няврэмие пидан си емаң хатл элты потартлат па постыдат.



Хор: Альбина Тырлина

Пулцават вошан «Мувхор» нэмпи садикан «Тундровичок» пормас шавиты хотан «Мувхор», «Умка», «Крылышки», «Журавушка» садиката яңхты ай няврэмие яха уйтантысат. Мойң хоятат кутан ай няврэмат пидан рупитты ханты нэңдан – Лидия Ивановна Тоярова па Альбина Никонорова Кельчина усңан.

Музей пуншам ханты нэңие – Маргарита Петровна Батютенко (Кельчина) кашң тал си емаң хатл дэсјатал, мойң хоятат вохал, пасан опсыдыйл. Там емаң хатла ёхтыдыйм хоятат каш вантсат, ёнтопсайн па мастер-классатан кассат.

ОЦНК каш верты хотан рупитты нэ Наталья Ребасъ емаң хатл дэсјатас: ворца ими элты потар тус па ар арийс. Ёхтыдыйм няврэмат якат яксат, нэпек элты ворца версат, сумат юха щашкан шук ярсат па шай йинсјат.

Туса верам пормасат вантопса

Канась Пухадан ун кер тыдасъ ветмет хатл элты хольмаңмет хатл унты, туса дов па юх элты нёхарты, хорам пормасат верты ханты хоятэв – Сергей Валерьевич Аляба вантопса пуншса.

Дув верам рупатайдал антом туп округеван, хон мувеван па па хон муватан уятдайт. Вантопсайн ар хорпи рупатайт эталтыман усат. Сит элты вератты хоятэв каматса ясаң ястас: «Пормасат верты хотан ма ветхосьяң тал рупитлам. Рупатаеван фонд тайлуд. Кашң тал тохи хулам, няд пормас верты мосал. Си тумпийн ма ма урңема пормасат па вердам.

Там уйтантопсайн вуды, курцвой, мувхор па юх элты верам рупатайдам эталтадам, ялап пормасат дэсјатсам. Лапат сыс мувхор оңат элты сотап кешел пидан эватсам. Холна «Ворца па охсар» композиция версам. Хой рупатайдам сора, хойтэт хувшак етшаптадам. Улдат рупатайт, хой каматса тал вердадам. Хун ям номасан, рупатаен соращак манал. Си тумпийн холна пунат, соңхеп юх элты дэсјатлам. Рупатайдам монсјат хуват, молты сюжет вантман тыйдат, па хон мувата яңхты вантопсайн молты нопса ёхатал».

Си уйтантопсая ёхтыдыйм



Хор: Альбина Тырлина

ханты хоятлуд: Валерий Фёдорович Елескин, Геннадий Павлович Кельчин, «Пулцават» хантэт автономия куся нэ Светлана Тайшина, Валентин Вальгамов, рутлад па дув пидалан рупитты хоятлад Сергей мойдапса ясаңан ястаса па мойдаптаса.

Кашң хоят няврэмдал,

хилыдал пидан си вантопсая яңхты верытал, туса верам пормасдал умасъдыты, рупатайдалан эталтыйм ханты улапсаев вантты.

Дохан хатэмиты касапса манас

Ун кер тыдасъ лапатмет хатадан Пулцават вошан дохан хатэмиты хоятат «Полярная лыжня» марафонан ветъяң пела нядмет пуш уйтантысат, Ямал губернатор мойдапсайт шитсат. Яң тал элты па уншак округ па па регионат элты хоятат касты ёхтыдысат.

Дорвош район элты Мужи, Овкурт, Дорвош, Горка вошат элты няврэмат па ун хоятат ёхтыдысат. Анатолий Александрович Озелов Дорвош куртан спорт сирн инструктора рупитал, каматса ясаң ястас: «Муң куртэв элты лапат хоят усув, вет няврэм па кат ун хоят. Олаң хатадан Лапатнаңк вошан катсот молтас касты ёхтыдыйм хоятат «Звёздный» нэмпи спринт хухатдысат: няв-

рэмат ветсот метра, ун хоятат – йи километра. Сит сёс сирн, хой мет сора ёхатал. Си касапсайн ма олаң тахая этсам, Рудольф апсем кимет места ус.

Касапса кимет хатадан си касапсайн Рудольф Романович Возелов ветхосьяң километра

хухадман, худмет тахая этас. Ма нядмет места усам. Нэңат кутан – Галина Филиппова, Мужи вош элты яң километра дохан манман, олаң тахая этас. Олеся Белова, Овкурт элты, ветхосьяң километрайн кимет места ус».



Хор: Альбина Тырлина

Шоши мир хоятлүв

Мушаң
няврэмат
кеша

Мушаң няврэмат яммалтыты ураңан яң тал сьс 750 реабилитационной сертификат мийман уса. Ветсот щёрсаң нэпек хуват, туп Россия доватан, социальной услугайт па леккар верат сохаптаты рахал.

Щимащ «мосты нэпек» няврэм лапат тал йитад унты лэщатэса, ин па нийлхус тал унты верты рахал па охал посатты. Щи веран мосал социальной защита ясаң верты па мосты нэпекат туты. Вет рупата хатл сьс охат ёша пайтлаты.

Лялясты
хойтлува
китам
пормасат

Хашам лапатан округ элты ляль харан улты хоятлүв яңхты хоплад ураңан мосты пормасатан тусайт. Щи веран «Мы с Ямала» нэмпи благотворительной фонд «Свои» марафон порайн ох акатсат.

«Ямал» па «Кедр» автомобиль ураңан пормасат вусат, «Росомаха» – коптерат па дрон элты сайдашты мосты шупат. Па тахаята рацияйт, тепловизорат, па аталан яма вантты ураңан сэм картэт. Щи пормасат СВО хоша улты хоятлува шеңк мослат.

Аллина Тоярова
ханшам потарқан

Григорий Наков
шуңат хоттэд

Ляль кертам йирэм Лазарь Антонович кимет яйл – Григорий Антонович Наков. Нэпек щирн, кадаң хотн, 1905-мет талн сэмá питас. Хув кевн касдыяс.

Хун талдал уна йисат, каслыты ант верытты питас, Пораватн наман хащас. Ведпасламан ус. Поравт вут пелак сахат телефон карты кедат лэщатман улдат. Щитат вантыман рупитас, щи сахат охн сохаптаса. Верытмал сьс иса щита рупитман ус.

Олаң имед ялта хот опрацл Сибарева. Пох тайсаңан, нэмл Юрий Наков. Юхат катная мантсаңан. Юрий уна ювмал юпийн, Поравт мувала кердас. Ащедн елды энмалтса. Григорий Антонович кимет имед Шиян пухар элты. Нэмл – Екатерина Антоновна Шиянова. Няврэм ант тайсаңан. Юрий похан энмас. Катравош элты вуртыман Послаң нэ – Клара Семёновна Серасхова тус. Пора манман няврэм тайсаңан. Геннадий нэмн понтса. Юхат Юрий Григорьевич сэрэк парас.

Лув похл пилн мин Тюмень вошн, училище Геологов хоша ундтысман. Геннадий Үлпәтнаңка рупитас. Энамты доватн парас.

Йирэм Григорий Антонович ямас нумлэм. Шеңк потраң па монщаң ики. Палатад лэд. Ёхы доңталн хоятал ант ныда, туп

Пал руц икел учёный Москва элты.
Кат нэ: Екатерина Антоновна Шиянова па Марфа Ивановна Накова.



Хор: Герман Наков

Г.А. Наков па Е.А. Шиянова хоша Поравтн ар мув эвалт хоятат ёхтыдысат.



тур сыял моштаты рахл, хоят щита ул, щащд. Григорий Антонович «товарищ Ленин» икия альщилдыса. Охсох водаң ант таяс. Ленин ики хорас таяс. Нях верты нумпи ус. Нары кутапн олад па руц ясаңн потартыял: «Вуцат, Поравт на провоте, Калинина посовите!»

Григорий Антонович хоша Поравтн ар мув эвалт хоятат ёхтыдысат. Щи кутн Москва вош элты учёныйт.

Товийн, Кев педа каслты порайн елпи щита йираслүв, порыдылүв. Онасэв нёхдалад олаңан, имед пилн ким этлаңан, па ям вудам верлүв, па ащем Егор Лазаревич олаң нёхталды. Хув-хув онасн Кев педа касаллүв. Лдын имед пилн вантлаңан.

Григорий Антонович Наков луң порайн парс. Пораватн лоттаман ул.

Герман Наков ханшам
потар

АПК ураңан ялпа верты нётопсайт элты потар манас

Ямал муван улты АПК туңа щира нётты мосал, щит элты ЯНАО Законодательной Собрание куца Сергей Ямкин ястас. Хашам лапатан Пулцавт вошан РФ Госдума Халэват Пелак па Арктика верат манты па лэщатты щирани выездной заседание верыдыйс.

Сергей Ямкин ясаң щирани, налогат па тарифат аграрийт ураңан шималшака верты мослат. Нётопса щирани маты охат па туңа щира вантты порая йисат, ванты муң ищки муван уллүв, па регионат пилан артадаман. Нёхи па худ элты лэотат верты атэд хоятат па щи кеша улты рупата хотат, ищи мосты араган нётты мослат.

Аллина Тоярова ханшам потар



Хор: «Дух Авт» архив

Кев сыд хантэт ←

Экология верат пущи потарсат

Йидап органической дытыт

Совхоз «Байдарацкий» Национальной органической касты харна «Йидап органической дытыт» номинация хоца нох этас. Майлаптата ВДНХ «Хон мув» международной вантапсы-форум хоца питдайт.

Ши касты хар Совет Федерации, Хон мув Министерство сельского хозяйства па Роскачества онтасна верса. Всероссийской голосование онтасна Ямал мув предприятие ораңна ёң щёрс молтас нёңху голос мас.

Туңял «Байдарацкий» совхоз научной сотрудионат верыдыам проверка мет ямас мантсалды па ши ораңна йидап статус тайта питас, органической дытыт верты производитель.



Хор: Инесса Климова

«Холна там ванан экология пущи сёңк ант потарсу, лув тамаш еңта пасаната иёлты ветмет маса хутмет тахайна лайс, тамхатл па щит мет волаң иншасапса па мет алаң тахайна ол. Муv хорас па экология мет омшаламан тайта масдат. Ямал хуват мет вул промышленной проекат

вердайт, вул васлу па ай похалду ямас энамдат. Топ йи ёр понман, регион компанияйт па научной сообщества хоца олты данньят педа вантман муң веритлу мет туң прогноз мата», – Ямал губернатор Дмитрий Артюхов лавас.

Муң округу хутъёң молтас процент аратна вечной мерзло-

Ямал губернатор Дмитрий Артюхов «Хрупкая Арктика» пленарной сессия хоца ясаң лавас. Щита научной сообщество, кощайт па ТЭК представителят Арктика климат, Ямал муvна верты экологической проекат па йиңк биоресурсат пущи потар тусат.

та элты лайл, щит вул васат, ай похлат, вул промышленной объекат. Губернатор партам щирна округ хуват климат онттады комплексной ропата верда. Ямал хуват 2022-мет тал эвалт геотехнической мониторинг проект ропытл. Ловатлна 184 скважина 28 хат илпина хырман ол. Касаң щимац вус температура вантты пормасатна понман ол. Щилта щита акатты данньят учёныятна вантыдайт па артадалайт.

Экстремальной ентапсэт манта питдат

Пулңаватна ун кер тыдац 20-21-мет хатлңанна, Арктической экстремальной ентапсэт «Северный характер» Зима» манта питдат. Итта ши ораңна мули регистрация пиншас па ун кер тыдац 19-мет хатл маса хансантта рахал.

Там пус ши проект юбилейный олта питл, ветмет пус мет ёраң па сара яхат па ныңат кутлална каста питлат.

«Итта Хон муvна манты хаттэд тална па Ямал хуват манты няврем Тална муң ши программа холна па вулды версэв, ентапсэтна хаттэдна каста рахал – овс муv сосапсы, тюбингатна хатэмита па хаттэдна нёхамтыта», – Ямал муv физической культура па спорт департамент коща Андрей Масанов лавас.

Там пус ши проект хоца вет этап лоңал: Мет алаң щит, «Северный характер. Зима» Пулңаватна олта питл, кимет – «Северный характер. Лето» ущ тылащна Новый Уренгой васна, холмет – «Северный характер. Велодрайв» унт дор тылащна Тарко-Сале васна, нилмет – «Северный характер. Трейл» унт дор тылащна Харпина, мет ялта Губкинской васна «Северный характер. Осень» щёхар тылащна.



Хор: ЯНАО губернатор пресес-служба

«В гости к ветерану» акция манл

Вул Ляль емаң хатл алаңна, ун кер тыдац 27-мет хатл эвалт Ас нопатты тыдац 7-мет хатл маса, Хон муv хуват «В гости к ветерану» акция манл.

Ши акция Хон муv ФАДН, Хон муv мур Хат па Национальной культурной центр «Действие» онтасна кимет тал верта питда.

Федеральной проект «СВОИ» ол, щит хонты кепе Вул Ляль порайна мур йи ёр понман осат, итта верам проект щилта лайл. Хон муv мур яха актащман дытыты хыр лэщатлат.

Хор: ИА «Приуралье»

Касаң нёңху ляльна олам нёңхэт элты лув мурл эвалт майлапсы верл. Там хатл па, ияха актащман, йи ёр понман нёңхэт майлапсэт тутта питлат. Мур ар – муvув ит!

«Дух Авт» луңтаты, рут ясаңан ал ёрэматы!

Кашң хоят, тал сыс, верытал «Дух Авт» газетая ханшлтыты. Ши кеша мосал почтая яңхты муй па QR-код мохты газета ёхтаптаты. Йи тыдац сахат 7,38 солкува сохапталты.

Телефонан мохты ищи рахал айкедат луңатты па хорамаң хорат вантты. «Дух Авт» «ВКонтакте» па «Одноклассники» хоца ищи ул.

Муң па, нын урңанан, нынан

мохты айкедат каншлуд па ханшлуд. Нын па муңева нётаты, айкед вераты. Щиты ияха понасан ханты ясцев елды тулэв, шавилэв.



Халэват Пелак хантэт

Вурңи тылэсь



Хор: Галина Кечимова

Тэм тылэсь нэмэл – Вурңи тылэсь. Вурңи йюхлы йил морты войхэт сарпинэ, олең мälөңк қатлэтнат – апрель тылэсьнэ. Чу лат чи тылэсь Вурңи тылэсьхэ нәмты.

Вурңи йүхэттэ тахия әнтэ тәп мөң күтүв, а ньөмрөх пухэл ньälқәл. Әй қоты па қотнам, әй пухәди па пухәднам чуминт көл мәнл:

«Вурңи йүхэт!»

«Вурңи әт!»

«Вурңи морты мәхи пәрхи йүхэт!»

Вурңи мөң пухлүв күчиңнэ вүл. Әй юхи па юха латл. Тул-пул амп мокал черхәлтәх. Литә утат кәнчәхтәмин, чуминт пут қари махәлты сучәхтәл. Ылө көмләхтәм савнәт-анхәт ылпинам йәмхә ихиләл. Па латнә ньулднат өнтәқәпә курнат таҳпи кирәхтәлдал. Па мата имита чуминт ньави өнтәқәпә күл пул татә вәр тоил. Но ишек кычем пыр ырап ныңәтнә лув чи вәрәднам әлө дәйәлди.

Галина Кечимова ханшам потар

Ойң сот солкувайң щел ох

Мосванан Эдуард Тользин пилан потарсаман. Лув Московской монетной двор хоца руштал. Аратад ханты миран яма уйтла, хоты лув солкувайт, мевал посат хоца ханшет па хорат ханшал.

Хащам ятан ханты мир ураңан «ойң щел ох» верас. Щит әлты Эдуард Алексеевич каматса ясаң ястас: «Там мойлапса юкана верам щел ох әлты ма хув нумассам, хоты сахат верты. Шеңк лаңхасайм ма ханты мирәм амтапан туты. Лудан лув ищи лув ёра щел ох ат тайсат. Щи охенан куш нәмолты ант лутдан, туп ищипа самен амтатлдыйл.

Там веран манэма Любовь Возелова па Зоя Озелова шеңк нётсаңан. Потарсаңан, хоты туңа щира вертыя. Лынана вутцидам пумащипа ясаң китты.

Ям пелак сахат «100 солкова» ханшман ул. Щалта лапат ханши. Муң хоцаев «лапат» – щит шеңк ойң па ям пос луңтапса щирани. Кимет пелкадан ханшсэм «Ойңа па щуняңа ула!» Солкува кутопан вулды хор, тац па мутра маты юр. Щи тумпийн Хатл хор – нуптәв, хошмев, вецкәтәв.

Солкуваем нейзильбер карты әлты версэм, 22 мм, кат солкува ловат. Хоя мосал, верытал щимащ щел ох лутты».

Алина Тоярова ханшам потар



Хор: Эдуард Тользин

«Йиңкилора» ялап войт тусайт

Там лапатам Москва вошн улты вой энмалты «Диво-птица» хар әлты няд әнамты як туса.

Манам юшел няд щёрас километра хуват, туңа щира мантсәл. Вой леккар ясаң щирани, хув юш кепа ус, войт мосты тахаел унты тумтака ёхтаптысат.

Ин лув щи юкана верам пушас лыпийн удлат. Еша катадман тайдайт па ким әсалдайт. Иса верат яма ки мандат, папуш як ай войт сәма питлат.

Алина Тоярова ханшам потар



Хор: Сергей Зубков

Неврәмәт конкурс вос

Мөң ай вочен тэм ванән неврәмәт күтән фестиваль-конкурс вос. «Точка отсчёта Ямал» нәм тойс.

Қәнтәк неврәмәт па чи конкурсән кәссәт. Игорь Мултанов, Вика Мултанова па Алиса Мултанова йемәт йем хур вәрит. Чи пәтан дипломан мәйдойит.

Әвет вокальный ансамбльн «Сорни найн» арисәт. Хув мар әвет ләщатыйсәт, төса арисәт, ар пуш репетицияита йәңхсәт.

Йилуп культурной центр «Сибирь» нәмул хотән чи конкурс вос. «Сорни найн» әвет йаран ар «Тэтәль-вэтәль» арисәт.

Алиса Мултанова, Дарья Мултанова па Виталина Мултанова йемәт йема арисәт па дипломан мәйдойит.

Па од неврәмәт па чи конкурса

мәнта нумәс тойдәт. Лынада шеңк әмәщ ариты вос.

Ат неврәмәт рөт ясаң елды толдәт, ат ариләт, күтәлн няхумләт па ат ан юрәмалдәл аңкедал-ачидал тойюм ясаң!



Хор: Галина Кечимова

Галина Кечимова ханшәм потәр

Тус ясаң – тус потар

Ошаң ворңа ими

Каткутщевнэ тыхладан омасал. Тыхлад шахла юх нуват кутан туса сэвман ул. Нял пошах тайл. Кашң пошхиел воцхиман тайлалды, вояң пирматан лапатдалды. Шахла ю вошан Охсар ими тыелт-тохелт шушамтыйл.

– Шикем самем вохла. Йи пошхен манэм воцки, – нохлы увал.

– Ма щуцем, наңен хун малэм, – щипкиел ястал.

– Щиты ки, юх ил сэварлэм! Лъем хоца дайм ярман тайдам! – Охсар увал.

Щиталан, пушелан щалта юх сэңкты питсалды – этра тохарал. Щипкие палтамас, увты питас:

– Каткут щев-щев-щев! Охсар ими, юхем ал сэвры, пошхем туви!

Холдаман пошхал ил воцкасды. Охсар имийн похал алэмаса, ин па туса. Щипкие тыхладан холдаман омасал, холдатал кутан тыштал. Ворңа имийн шиядаса, инщасда:

– Муя наң тыштадан, хоты йисан?

– Охсаран пошхем туса, ма вурьем йинщса, – ястал.

– Щи палат юха охсар хотсат ёхатал? – па инщмаса.

– Охсаран юхем ил сэварты питса. Пушелн дайм ярман тайл, – холдал ку-няр вой.

– Наң муя щимащ отшам? Охсар холща дайм вул, – Ворңайл ястал.

– Шикем палтап, самием хащ щи ким навармас, – щипкие ястал.

– Па ки ёхатал, юхен ил питты унты пошхен ал мийи, – Ворңа ими ястас. Щиталан лув верлад сахат пурдамтас.

ЩИ кутан Охсар ими па ёхтамтас. Хувалта увал:

– Самием щи вохла! Йи пошхен па мийи!

– Юва, ты хуңха па вуйи! Верытдан ки! – ликащман Каткутщевнэ увалтас.

– Щиты ки, юх ил щи сэварлэм, – Охсар ими ястас.

Лдылдан юх сэңкты питсалды – ал



тарыйл. Шахла юх ант па нёхдыйс. Охсар метас:

– Хойн па номасан катлаптасайн? Ворңайн ки?

– Каткут щев-щев-щев! Лэпалтман пошхем лэсан. Пуңда мана нялмаң вой!

Охсар ими манас Ворңайл каншты. Хув яңхас, ван яңхас, ун сорама нохр юх тайн ин войл шиядасды. Сора ил одамтас, нялмад ким лукемасды. Охсар ими вурты нядам Ворңайн хувалта шиядаса.

– Тё, – Ворңа нумасал, – щёмлы войт лэпалтыты вурты Охсар па тата халмал! Ма лув нялмад-са ким сухтадэм!

Вана датомтас, Охсар нядам нухсалды. Охсаран щита моцатла.

– Шци, – нумасыйл Ворңа, – удмем арат!

Охсар педа кердал па, сэмлад уна талман ястал:

– Манэм мохты лакки менэми! Туп ун кев лоңда ал туви! Кев элты шеңк палдам, самем мохты пелки похал.

Охсар нумасал:

– Тулэм-са пал кев

лоңда. Ант ки хадал, кеввур элты ил поткадэм! Шаха дов шуклад ант уйтлайт.


Кев вура нох тусды, кев кимда лоцалтасды. Ворңа ими нёхел ал тарыйл, сэмыйиңкдал муңхал. Лаймаң Охсар еша ёхды хатас. Щалта щи навармас.

– Варх-варх! – верман, ворңайл нох пурламтас, туп омпсам лотал хащас. Нохды туп хиш пусаң кавармийс. Шци.

Катра хоятат муя па ястатат: «Морт кеман уда. Кашң апраң от нумпия апраңшак от этал, кашң ошаң от нумпия ошаңшак от этал. Шци номас ал ёрэмалан, нумман таялан.

М.С. Нахрачёва шуңат монщидыйс,
Касам-Нёдан улам хоят.
Н.Н. Нахрачёв шуңат нэпека
лэщатсалды

Хор: Н.Е. Цюлик



Хорат потардат ◀

Ҙапатнаңк вошан Ворҗа хатл постаса



Емаң харн «Сорни най» ханты арат арыты нэңат пидан уйтантысам. Мет ун нэңад – Надежда Ивановна Скубка (Куртямова) инцассэм, хоты лув там вошан улты питас па ханты нэм тайты ун руцъ вошан Ворҗа хатл постаты питсат.

«Ашкуда етшамеман хутхоцъяң тал манэм ус. Лухаснэңдам пидан уталтыты там воша ёхатсув. Хот верты, оляпан нёсытты рупата педа уталтысув. Там тал хутъяң педа хут тала йил, хоты ма ма ёшламам верам вошаман улдам. Тата поңалам энамсаңан. Ун похем Ҙапатнаңк куртан сэма питас. Ай похем сэма питмалан куртэв вош нэман юконтса.

Ши порайн Виктор Семёнович Воронин вош куца ху хоца олаң лаңкар куцяя рупитас. Ҙапатнаңк вошан Ассоциация «Ямал – потомкам!» мет олаң куцяя Клавдия Михайловна Кваша (Артанзеева) ус. Мин Клавдия Михайловна пидн номас версаман улты вошеван Ворҗа хатл постаты па айкед пидн горисполком хота Виктор Семёнович хоца мантсаман. Лув ел нюхмас:

– Ворҗа хатл ма урнеман вердаты? Опрац нэмет тохи хойд?

Мин ястадман:

– Анта. Ханты мир катра поре элты Ворҗа

Вылпосл ёхан питаран, хота Ҙапат наңк юх энамал, порыдыты хар ул. Ҙапатнаңк вошан улты ханты хоятат кашц товийн щита яха актащлат, порыдылат. Хащам сусан катра курт вол каш верты па щутщаты щира хораман лэщатса. Щит ураңан Ворҗа хатл олаң пуш ялпа верам харан постаса. Елпи вошц хоятат кеша емаң хатл каш верты хот пуңалан лэщатыса.

хатл постадат. Товийн лув, тохлаң войт кутан, мет олаң Овс мува ёхатал, хошам тул.

– Щит шеңк ям!
Ям вер! Ма нынан нётдалдам. Охан малдам.
– Виктор Семёнович мохты кашащас.

– Емаң хатл мосал щиты лэщатты, па хоятата сама

ат хойд. Вошеван елды, кашц тал тамац емаң хатл постаты питлув. Катра верат нумман мосал тайты.

Сценарий ханшты Пулҗават вош ОЦНК хотан рупитты хоятатан нётсаюв. Ҙапатнаңка Юлия Николаевна Накова па Сергей Валентинович Худи емаң хатл туты китсайңан. Ши порайн лын айлат ёх, институт етшаман юпийн, велщипак рупитты питсаңан. Щиты мет олаң пуш 1991-мет талдан Ворҗа хатл вошеван постасэв.

Ин ёхлы аңкармаман муй арат тал хащас. Вошан улты хоятат яма уятлат хантэт щит хойтат. Муй хорпи емаң хатлат тайдат, хоты улдат па муй хошлат верты. Вош нэмел муй ясаң элты тыйман ул».

Хоятлув шеңк самаңа ханты емаң хатл тайлэл. Муйкем ищки вогаң хатл ус, ищипа каш верты хара ёхатсат. Яма ёнтсат, арысат, яксат, кассат. Ям ясаң па тумтак улапса номас китман, порыдыты харн щашкан лэрат ярсат, ох понтсат.

Там лопасан Ҙапатнаңк вошан манам емаң хатадан верам хорат вантаты.

Зоя Куртямова ханшам потар



Хор: Зоя Куртямова

Газета

«ЛУХ АВТ»

Адрес редакции:
629003, ЯНАО,
г.Салехард,
мкр. Богдана Кнуянца,
д.1, каб. 106
(34922) 4-68-63

E-mail:
luh.avt@yamal-media.ru

Учредитель

Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована

Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1340 Заказ 0570

Подписные индексы:
на год – ПА700, на полугодие – ПР561

№ 15 (1214)

Газета вышла в свет 13 апреля 2024г.

Подписано в печать 11 апреля 2024г.

по графику: 16.00

фактически: 16.00

Газета выходит по субботам

Цена годовой подписки 88 руб.,
в розницу не распространяется

Издатель

Департамент внутренней политики ЯНАО
(629008, ЯНАО, г.Салехард,
пр-кт Молодёжи, д. 9, каб.708)

Отпечатано в АНО «Ямал-Медиа»

Юридический адрес: 629003, Ямало-
Ненецкий автономный округ, г. Салехард,
мкр. Богдана Кнуянца, д.1, каб. 106

Фактический адрес: 629007, Ямало-
Ненецкий автономный округ, г. Салехард,
ул. Чубынина, 39А

Генеральный

директор

АНО «Ямал-Медиа»

Зулинова

Марья Андреевна

Главный редактор

Яковлева

Аллина

Кирилловна